

me in poenis illis considerari possunt, multitudine videlicet, et alternationis mutatio. Et multis, varia- que ibi poenas esse, non obscure Scriptura sacra judicat, non solum quia diversis peccatorum meritis diversae taxari debent poenarum mensuræ, id exigente totius justitiae ratione, sed etiam quia diversis poenis, et tormentis in unum, eumdemque hominem animadversio di- vina procedit. Et licet plura loca sint quæ de poenitatisbus istis im- piorum loquuntur, ut de igne ar- dente, de sulphure, de tenebris hor- ribilibus, de fœtore, et putredine, de verme rodente conscientias, de dæmonum eruditissima tortura, quæ passim in Scriptura obviari possunt, sufficit nobis Iocum illum Sapientiæ quinto, in medium proferre, quo creatura omnis, totusque orbis terrarum contra impios pugnat- rurus describitur: *Accipiet, inquit, ar- maturam zelus illius, et armabit- creaturam ad ultionem inimicorum. Induet pro thorace justitiam, acut duram iram in lanceam, et pugnabit cum illo orbis terrarum contra insen- satos. Ibunt directe emissiones fulgu- rum, et tamquam a bene curvato arcu nubium exterminabuntur. Et a petrosa ira plenæ mittentur grandi- nes, excandescet in illos aqua maris, et flumina concurrent diriter. Contra illos stabit spiritus virtutis, et tam- quam turbo venti dividet illos, etc.* Ecce quam variæ poenæ, quam multiplices angustiæ, et afflictiones tormentorum ab omni creatura in impios grassabuntur, ita ut nullam respicere possint infelices illi crea- turam, a qua non aliquid poenæ, et afflictionis accipient, sicut e converso beatis omnia creata ser- vient ad ineffabile, et perenne gau- dium accumulandum.

IX. Hæc ergo cum ita sint, restat nobis præcipuum difficultatis sco- sum denudare, an videlicet tanta

tormentorum varietas, et multitudine, uno agmine, et ut ita dicam uno ictu damnatos afficiant, ut simul ab omnibus torqueantur; an vero alterna- tionis aliqua, et vicissitudine suc- cedendo sempiterna tormenta, tem- porali aliqua mutatione distinguant. Et in hoc aperta est D. Thomæ sententia i part. quæst. x, art. v ad se- cundum, ubi inquit: « Quod ignis inferni dicitur æternus propter in- terminabilitatem tantum. Est tamen in poenis eorum transmutatio secun- dum illud Job quarto: Ad nimium calorem transibunt ab aquis nivium. Unde in inferno non est vera æter- nitas, sed magis tempus secundum illud Psalmi LXXX: Erit tempus eo- rum in sæcula. » Ad hæc explicans D. Thomas illam questionem, an in damnatis futurus sit timor, sic loqui- tur in prima secundæ, quæst. LXVII, artic. iv ad secundum: « In damnatis magis potest esse timor poenæ, quam in beatis spes gloriæ, quia in damnatis erit successio poenarum, et sic remanet ibi ratio futuri, quod est ob- jectum timoris: » et subdit: « Et tamen nec in damnatis erit proprius timor, nam timor nunquam est sine aliqua spe evasionis, quæ omnino in damnatis non erit, unde nec timor nisi communiter loquendo secundum quod quælibet expectatio malifuturi dicitur timor. » Utrobique ergo S. Thomas futuritionem, et successionem in poenis illis admittit, secundum quarum variationem ali- qualis temporum revolutio adhuc permanebit in damnatis, qui non vera æternitate, sed æterna poena- rum alternantium interminabilitate affligentur. Et videri potest in hanc sententiam Abulensis in repetitione de statu animalium, numero CCCIX, ubi inquit: « Quod in poenis inferni nullus ordo in permanendo est, quia eum aliquis fuerit nunc in nimio calore, transferetur ad maximum frigus; cum autem in frigore, ad ca-

lorem. » Et ex hoc induci potest fundamentum pro hac sententia, quia in poenis illis optime verificatur illud Job: *Ubi nullus ordo, sed sempiternus horror inhabitat: supponit ergo multa ibi esse poena- lia, sed non ordinata, confusione vero plena.*

X. Et certe non unam esse poenam, sed plures, nemo est qui negare audiat, cum tota creaturarum fæx, et quidquid in eis horribile, et poenale est, clarificato mundo in hac su- periori parte descendet cum damnatis in infernum, quasi in totius mundi sentinam, et purgamentum. Quod diserte explicat Basilius supra illud Psal. XXVIII, homilia prima: *Vox Domini intercedens flamam ignis,* quia in fine mundi ignis dividetur, et alia elementa, et quidquid est in eis pulchrum, et clarum remanebit superius ad gloriam beatorum; quod vero est in eis fæculentum, et poenosum descendet in infernum ad poenam damnatorum: « Domini vox ignis continentis sibi unitam natu- ram intercidit: quoniam duo sunt in igne potissima, ustiva vis, et il- lustratoria: vis prior ignis, acerri- ma quidem ad poenas irrogandas re- posita est his, qui ustione sunt digni; altera sui luminis diffusiva suc- cedit his, qui claritate perfruuntur sunt gaudii perennis. » Et speciali- ter dicitur, quod vox Domini inter- cedet ignem, ut quasi a fortiori dis- camus quantum reliqua elementa purgabuntur, quæ grossiora sunt, cum etiam in tam subtili corpore qualis est ignis inveniat imperiosa illa Domini vox quid dividendum sit, ut de ejus fæculentia segregetur quod in ipsam inferni colluviem emittatur. Jam vero si de omnibus mundi corporibus segreganda sunt, quæ pure poenalia erunt in damnatorum torturam, et angustiam, quia justum est inquit D. Thomas, quod libeto VIII, art. XVIII, ut qui creato-

rem offenderunt, ab omni creatura puniantur; consequenter etiam rationabile est ut alternatione tormentorum vexentur, quia si omnibus simul, et collectione quadam con- fusis atterantur, non ita facile singulorum vim, et acrimoniam dare- tur experiri, cum ex plurimum objec- torum occupatione, minus eujusli- bet secundum se possit sensus per- cipere vehementiam. Ut ergo cu- juscumque tormenti totam, et acer- rimam vim sentire possit damnatus, conveniens est ut unumquodque in sua paritate experiatur, et non cum alterius mixtura, licet de omnibus alternatim degustet. Et sic verificari videtur illud Psal. XXXIV: *Quia calix in manu Domini vini meri, plenus mixto:* ubi de divina punitione in peccatores agi, satis indicant se- quentia verba: *Veruntamen fæx ejus non est exinanita, bibent omnes peccatores terræ.* Hic ergo calix iræ, ac furoris Dei, et vini meri dicitur esse, et tamen plenus mixto, quia inferni poculum, et omnium ter- mentorum, fæcisque totius creatu- ræ plenum erit, et tamen meram cuiusque tormenti acerbitudinem sine alterius mixtura, sed alternatione vicissitudinis succedente infelicia labia degustabunt.

XI. Nec vulgariter hoc confirmat vulgaris ille locus Job xxiv: *Ad ni- mium calorem transibunt ab aquis nivium,* quod de perditorum crucia- tibus communiter sancti exponunt, non quod ibi veras generari nives, aut sciamus, aut credamus, sed quia nivium terræ tota fæculentia, et poenitatis eo confluet, sicut et omnis ignis acrimonia, et horribili- tas, ut alternando istas poenas, et de uno tormento ad aliud transeundo, et incessanter meram utriusque ebi- bendo amaritudinem, fiat ipsa suc- ceSSIONE, et cruciatus vehementior, et poena productior. Scio nonnullos locum Job ad alios sensus detorque-

re, et ad Hebraicam confugere originem, ubi legitur: *Siccitas, et calor inferunt aquas nivis, ut sit sensus, quia scelerati sine angustiis, et cum suavitate ad sepulerum descendunt, sicut suaviter, et facile calor liquefacit nives.* Sed tamen retenta vulgaræ nostræ lectione, et communæ expositione sanctorum, quod ibi est sermo de diversitate pœnarum inferni, alternationem ipsam pœnarum satis illud verbum transeundi, demonstrat, dum dicit: *Ad nimium calorem transibunt ab aquis nivis,* quod id suo rigore, et proprietate sine pœnarum successione explicari nequaquam potest. Nec ex ista pœnarum variatione aliquod damnatis erit refrigerium, ut optime S. Thomas quodlibet citato, advertit, quia ignis, et aqua, et hujusmodi, non agent in corpora damnatorum actione naturæ, ita quod relinquant

suas qualitates in corporibus damnatorum nsecundum esse aturale, sicut ignis relinquit calorem in lignis, quæ facit esse calida; sed agunt in corpora damnatorum actione spirituali, imprimendo scilicet suas qualitates in corporibus damnatorum per modum quo species colorum est in aere. Unde corpora damnatorum sentient afflictionem ignis, sine hoc quod convertantur in naturam ignis, et ideo varietas pœnarum non faciet eis aliquod refrigerium. Refrigerium enim nunc ex alternatione pœnarum proveniens causatur ex transmutatione naturæ, in quantum per frigus aquæ, superfluitas caloris remittitur, et sic ad medium venitur quod est delectabile. Ita D. Thomas, cujus verbis, et explicatione quod huic quæstioni dissolvendæ, satis pro nunc sufficiat.

QUÆSTIO SEPTIMA.

Utrum cicuratio tauri in D. Marci solemnis fieri solita superstitione vacet?

I. Felici forte inter ipsa erumpentis verni primordia, inter aspirantis florilegia, et virentia Cereris ac Flora dona, quæ exhilarata natura in novo renascentis veris postlimino ludens plena spargit manu, cum enodato sinu, variam illam, ac floridam erubescens telluris purpuram effundens, qua nec Salomon in omni gloria sua coopertus est, totius in se osculantis cœli pulchritudinem terrestri quadam elegancia repräsentat. Felici inquam forte ad festivam palæstram animus exultat, dies ipse diei eructat verbum,

atque inter tam præclara divinæ Sapientiæ lumina, nostræque celeberrimæ universitatis sidera major rerum mihi nascitur ordo; major agit Deus, atque opera ad majora remittit, et invitat opportunum tempus, cum beneficius ille totius orbis oculus, et radiatum solis jubar germinatis radiis aurea cœlestis tauri cornua lustrans, post exactas hie- mes, post sedatam tempestatum rabiem, et positos ventorum furores, opifices illos, lucis thesauros splendidiori diflidunt lumine, terramque uberiori, ac divite vena fœcundat,

et extinctum pene, ac funestatum mundi honorem, et horrescentem totius terræ faciem, non tam fulgoris plenitudine, quam disciplinæ magisterio restaurat: «Quippe (ut Tertullianus inquit libro de resurrectione carnis) etiam terræ de cœlo disciplina est arbores vestire post spolia, flores denuo colorare, herbas rursus imponere, exhibere eadem, quæ absunta sunt semina, nec prius exhibere quam absunta. Mirra ratio de fraudatrice servatrix; ut custodiat, perdit; ut integret, viuat; ut ampliet, prius decoquit, si quidem uberiora, et cultiora restituit, quam exterminavit.» Inter tot ergo blandientis, ac faventis cœli munera, quæ mundum ipsum recurrentis anni conversionis resuscitant nescio quo genio, aut numine in novos quoque partus ingeniorum aspirant fœturæ, luduntque palæstræ nostræ, et insolito nitore vernant academiæ, coronatisque liminibus, ac frondenti cespite viridantes, toto quoque florum certatur honore, ac preunte divinæ sapientiæ face, largior hic campos æther, et lumine vestit purpureo, soleisque suum sua sidera novit. Ergo ad gramineos ludos juvat applicare animum, exercereque palæstram. Nec vestro gravissimi patres, conspectu indignum, aut immodestum censebitur, si brevi hac temporis periodo ad spectacula non indecora vos invitem, non quæ circi insaniam, nec quæ arenæ sævitiam, nec quæ theatricum luxum, sed quæ ferocientis bestiæ, et immanissimi tauri mansuetudinem penne miraculo naturam superante quotannis in solemniori divo evangelistæ Marci festo in media Hispania agi solitam, in hunc litterarem omnium theatrum evidentius repræsentem. Vos ipsi gravissimi patres ludum judicate, spectacula attende, religionem discutite; me interim faventibus animis quasi alte-

rum Orphæum auscultate, mulcentem tigres, et agentem carmine quercus. Res igitur omnibus notissima, vix tamen hucusque nervose discussa, ita habet. Ab antiqua hominum memoria in oppido quodam ulterioris Hispaniæ (de las Brozas vocant) confraternitas fundata est divo evangelistæ Marco sacra, cui ut solemnem pompam, et celebrarem cultum sodales exhibeant, illud in more positum est, ut confraternitatis perfecti ex vario armamentis genere, quæ tota illa regione uberrimis circumspascuis errant, truculentiorem taurum, quasi nuncupatis suffragiis elegant, qui splendidum tantæ festivitatis diem circumscriptionis suæ admiratione cumulet et exornet. Electum bovem, Marci nomine insigniunt, ut patroni, atque advocati sui votis etiam ipso nomine obsecundet. Interim ab armamentis, et montibus ferox animal non recedit, nec humanis usibus mansuescit, sed ferina specie indomitus, irarumque asperrimus inter dumeta, et silvas efferatur:

« Frondibus hirsutis, et carice pastus acuta Et tentat sese, atque irasci in cornua discit, Arboris obnixus truncu, ventosque lacescit Ictibus, et sparsa ad pugnam proludit arena.»

II. Illi dura, et hirsuta cervix pingui horrescit arvina, pedes modici, et breves, quasi pennigerò volatu patentes transmittunt campos, frons cornibus asperata, in terrorem assurgit, narium, orisque halitus quasi lethiferi spiritus venena diffundit. Sicque illi corpori toto scintillæ absentunt, oculis micat acribus ignem. Denique mugitu horribilis, ita fervidus, totus in truculentiam, totus in sævitiam armatus, nihil nisi ferinum, nihil nisi bestiam repræsentat. Tantam belluam, pergentes ad ipsos montes, ac pascua in divi pervilegio confraternitatis præfecti, detecto capite evocant nomine pro-